

772.

Na osnovu člana 12 stav 5 i člana 14 stav 5 Zakona o zdravstvenoj zaštiti bilja („Službeni list RCG“, broj 28/06 i „Službeni list CG“, br. 28/11 i 48/15), Ministarstvo poljoprivrede, šumarstva i vodoprivrede donijelo je

P R A V I L N I K
O FITOSANITARNIM MJERAMA ZA SPREČAVANJE UNOŠENJA, ODOMAĆIVANJA I ŠIRENJA ŠTETNOG ORGANIZMA
AROMIA BUNGII (FALDERMANN) I MJERAMA ZA NJEGOVO ISKORJENJIVANJE I SUZBIJANJE*

Predmet

Član 1

Ovim pravilnikom propisuju se fitosanitarne mjere za sprečavanje unošenja, odomaćivanja i širenja *Aromia bungii* (Faldermann) (u daljem tekstu: štetni organizam) na teritoriji Crne Gore, mjere za njegovo iskorjenjivanje (*eradication*) ako se utvrdi njegovo prisustvo na teritoriji Crne Gore, kao i mjere suzbijanja štetnog organizma (*containment*) ako njegovo iskorjenjivanje nije moguće.

Značenje izraza

Član 2

Izrazi upotrijebljeni u ovom pravilniku imaju sljedeća značenja:

- 1) **određeno bilje** je bilje za sadnju, osim sjemena, čiji prečnik stabla ili korijenovog vrata na najdebljem dijelu iznosi 1 cm ili više, vrsta *Prunus* spp.;
- 2) **kontrolno bilje** (*sentinel plants*) je određeno bilje posađeno za potrebe posebnog nadzora radi ranog otkrivanja štetnog organizma;
- 3) **određeno drvo i drveni materijal za pakovanje** je drvo i drveni materijal za pakovanje od vrsta *Prunus* spp.;
- 4) **obilježeno područje za suzbijanje štetnog organizma** (*demarcated area for containment*) je područje na kojem se štetni organizam ne može iskorijeniti i dato je u Prilogu 1.

Posebni nadzor nad biljkama domaćinima van obilježenog područja

Član 3

(1) Organ uprave nadležan za zdravstvenu zaštitu bilja (u daljem tekstu: Uprava), radi utvrđivanja prisustva štetnog organizma, sprovodi godišnje posebne nadzore biljaka domaćina u skladu sa rizikom od njegovog prisustva na dijelovima teritorije Crne Gore na kojima nije poznato da se pojavljuje ovaj štetni organizam.

(2) Plan posebnog nadzora i šema uzorkovanja treba da omoguće da se uz dovoljan stepen pouzdanosti, otkrije nizak stepen prisustva zaraženog bilja, a posebni nadzor treba da se vrši u skladu sa EFSA Opštim smjernicama za statistički pouzdane i na riziku zasnovane posebne nadzore štetnih organizama bilja.

(3) Posebni nadzori sprovode se:

- 1) na osnovu stepena odgovarajućeg fitosanitarnog rizika;
- 2) na otvorenom, na prirodnim i urbanim područjima, u rasadnicima, vrtnim centrima, trgovačkim centrima, pilanama za tvrdo drvo, na lokacijama na kojima se skladišti ili trguje robom povezanom sa drvenim materijalom za pakovanje i drugim relevantnim lokacijama, gdje je odgovarajuće;
- 3) u odgovarajuće doba godine s obzirom na mogućnost otkrivanja štetnog organizma, uzimajući u obzir biologiju tog štetnog organizma, prisustvo i biologiju biljaka domaćina kao i naučne i tehničke informacije navedene u EFSA Kartici sa informacijama za nadzor štetnog organizma *Aromia bungii* (*Pest Survey Card on Aromia bungii*).

(4) Posebni nadzori sastoje se od:

- 1) vizuelnog pregleda biljaka domaćina; i
 - 2) hvatanje u kopkama, prikupljanje uzoraka i testiranja, gdje je odgovarajuće.
- (5) Radi efikasnosti, prilikom vizuelnih pregleda mogu se koristiti posebno dresirani psi tragači, gdje je odgovarajuće.

Krizni planovi

Član 4

(1) Uprava izrađuje Krizni plan kojim se utvrđuju mjere koje treba preduzeti na teritoriji Crne Gore radi:

- 1) iskorjenjivanja štetnog organizma u skladu sa članom 9 ovog pravilnika;
 - 2) potrebnih resursa koji se stavljaju na raspolaganje kao i procedura radi stavljanja na raspolaganje tih resursa u slučaju sumnje na prisustvo štetnog organizma ili potvrde njegovog prisustva;
 - 3) pravila koja detaljno opisuju postupke za identifikaciju vlasnika bilja koje treba ukloniti,
 - 4) obavještanja o nalogu za uklanjanje bilja i pristupanja privatnoj imovini.
- (2) Uprava prema potrebi ažurira krizne planove do 31. decembra svake godine.

Uspostavljanje obilježenog područja

Član 5

(1) Ako se prisustvo štetnog organizma službeno potvrdi, Uprava bez odlaganja uspostavlja obilježeno područje radi iskorjenjivanja štetnog organizma.

(2) Nakon službenog potvrđivanja prisustva štetnog organizma i uspostavljanja obilježenog područja područja iz stava 1 ovog člana, Uprava bez odlaganja utvrđuje nivo infestacije sprovođenjem posebnog nadzora radi razgraničenja (*delimiting survey*).

(3) Ako na osnovu rezultata posebnog nadzora iz člana 3 ovog pravilnika, tokom najmanje četiri uzastopne godine zaključi da je nivo infestacije štetnim organizmom takav da njegovo iskorjenjivanje nije moguće, Uprava može odlučiti da umjesto iskorjenjivanja počne sa fazom primjene suzbijanja štetnog organizma, s tim da Uprava odmah obavještava Evropsku Komisiju o pojedinostima novog obilježenog područja za suzbijanje koje namjerava uspostaviti ili izmijeniti kako bi se to područje uvrstilo u listu obilježenih područja za suzbijanje iz Priloga 1.

(4) Obilježeno područje sastoji se od:

1) zaraženog područja koje uključuje bilje infestirano štetnim organizmom i svo određeno bilje koje bi se moglo infestirati u poluprečniku najmanje 100 m oko infestiranog bilja;

2) sigurnosnog područja širine najmanje:

- 2 km od granice zaraženog područja za obilježeno područje za iskorjenjivanje štetnog organizma,
- 4 km od granice zaraženog područja za obilježeno područje za suzbijanje štetnog organizma.

(5) Razgraničenje obilježenog područja zasniva se na:

1) naučnim principima, biologiji štetnog organizma, nivou infestacije, specifičnoj rasprostranjenosti određenog bilja na određenom području i dokazima o odmaćivanju štetnog organizma;

2) posebnom nadzoru radi razgraničenja sa planom i sistemom uzorkovanja koji omogućavaju da se sa 95 % pouzdanošću utvrdi nivo prisustva zaraženog bilja od 1 %;

3) EFSA Opštim smjernicama za statistički pouzdane i na riziku zasnovane posebne nadzore štetnih organizama bilja.

(6) Radi sprovođenja mjera iskorjenjivanja iz člana 9 ovog pravilnika, širina sigurnosnog područja može se smanjiti na najmanje 1 km ako Uprava zaključi da je iskorjenjivanje štetnog organizma moguće, uzimajući u obzir okolnosti izbijanja (outbreak), kao što su njegova veličina i lokacija, nivo zaraze ili broj i rasprostranjenost određenog bilja.

(7) U slučaju obilježenog područja za suzbijanje širina sigurnosnog područja može se smanjiti na najmanje 2 km, ako Uprava smatra da je ta udaljenost odgovarajuća za suzbijanje određenog štetnog organizma uzimajući u obzir okolnosti izbijanja, kao što su njegova veličina i lokacija, nivo zaraze ili broj i rasprostranjenost određenog bilja.

(8) Unutar obilježenih područja Uprava obezbjeđuje da šira javnost i profesionalni subjekti budu upoznati sa razgraničenjem obilježenih područja.

Odstupanja od uspostavljanja obilježenog područja

Član 6

(1) Uprava može odlučiti da ne uspostavlja obilježeno područje ako su ispunjeni sljedeći uslovi:

1) postoje dokazi da je štetni organizam unešen na određeno područje sa biljem, drvetom ili drvenim materijalom za pakovanje na kojem je otkriveno njegovo prisustvo i da su to bilje, drvo ili drveni materijal za pakovanje bili infestirani prije njihovog unošenja na to područje i da nije bilo umnožavanja štetnog organizma ili je riječ o izolovanom pronalasku/slučaju pa se ne očekuje da će doći do odmaćivanja štetnog organizma; i

2) štetni organizam se nije odmaćio i širenje i uspješno razmnožavanje štetnog organizma nije moguće zbog njegove biologije, na osnovu rezultata posebnog istraživanja i preduzetih mjera iskorjenjivanja.

(2) Ako se ne uspostavi obilježeno područje u skladu sa stavom 1 ovog člana, Uprava:

1) odmah preduzima mjere kojima se obezbjeđuje brzo iskorjenjivanje štetnog organizma i otklanja mogućnost njegovog širenja;

2) tokom najmanje jednog životnog ciklusa štetnog organizma i jedne dodatne godine, a najmanje četiri uzastopne godine, nadzire područje širine od najmanje 1 km oko infestiranog bilja ili od mjesta na kojem je pronađen štetni organizam, a nadzor se vrši redovno i intenzivno, u skladu sa članom 3 ovog pravilnika, najmanje tokom prvog perioda leta štetnog organizma;

3) utvrđuje porijeklo infestacije, pregledom određenog bilja, drveta ili drvenog materijala za pakovanje oko mjesta pojave radi otkrivanja znakova infestacije, uključujući ciljano uzorkovanje destrukcionom metodom, kako bi se isključilo prisustvo larvi;

4) obavještava javnost radi podizanja svijesti o prijetnji koju predstavlja štetni organizam; i

5) preduzima sve druge mjere koje mogu pomoći u iskorjenjivanju štetnog organizma, uzimajući u obzir ISPM br. 9 i primjenjujući integralni pristup u skladu sa principima standarda ISPM br. 14.

(3) Stav 2 tačka 2 ovog člana ne primjenjuje se ako se prisustvo ili pojava odraslih jedinki (adult) štetnog organizma u biljci, drvetu ili drvenom materijalu za pakovanje može nedvosmisleno isključiti i ako su razlozi za to, odnosno za takav zaključak, dostavljeni Evropskoj Komisiji u pisanom obliku.

Ukidanje obilježenog područja

Član 7

(1) Obilježeno područje može se ukinuti ako na osnovu nadzora iz člana 8 ovog pravilnika, štetni organizam nije pronađen u obilježenom području tokom najmanje četiri uzastopne godine.

(2) Obilježeno područje može se ukinuti i ako su ispunjeni uslovi iz člana 6 stav 1 ovog pravilnika.

Godišnji nadzori u obilježenim područjima i pregledi kontrolnog bilja

Član 8

(1) U obilježenim područjima Uprava vrši intenzivne godišnje posebne nadzore određenog bilja radi otkrivanja prisustva štetnog organizma, uzimajući u obzir informacije iz EFSA Kartici sa informacijama za nadzor štetnog organizma *Aromia bungii* (Pest Survey Card on *Aromia bungii*) i u skladu sa st. 2 do 5 ovog člana.

(2) Posebni nadzori za otkrivanje prisustva štetnog organizma sprovode se u skladu sa članom 3 st. 3 i 4 ovog pravilnika.

(3) Za vizuelne pregleda mogu se koristiti kontrolna stabla, gdje je to odgovarajuće.

(4) Fitosanitarni inspektor ili ovlašćeno lice prema potrebi vrši ciljano uzorkovanje destrukcionom metodom.

(4) Posebni nadzor se planira u skladu sa EFSA Opštim smjernicama za statistički pouzdane i na riziku zasnovane posebne nadzore štetnih organizama bilja, a plan nadzora i sistem uzorkovanja koji se primjenjuju za posebne nadzore radi otkrivanja prisustva štetnog organizma, treba da omogućiti da se sa najmanje 95 % pouzdanošću, utvrdi stepen prisustva zaraženog bilja od 1 %.

(5) Ako se koristi kontrolno bilje, ono podliježe pregledima najmanje jednom mjesečno tokom sezone leta, a uništava se i pregleda najkasnije prije nego što je štetni organizam u mogućnosti da završi jedan cijeli životni ciklus.

(6) Rezultati posebnog nadzora izvršenih u skladu sa ovim članom dostavljaju se Evropskoj Komisiji u skladu sa jednim od obrazaca iz Priloga 2.

Fitosanitarne mjere za iskorjenjivanje štetnog organizma

Član 9

- (1) Uprava preduzima sljedeće fitosanitarne mjere u zaraženom području radi iskorjenjivanje (eradication) štetnog organizma:
- 1) hitna sječa infestiranog bilja kao i bilja koje pokazuje znake prisustva štetnog organizma i potpuno uklanjanje njegovog korijenja ako su pronađeni hodnici larvi ispod korijenovog vrata infestirane biljke;
 - 2) hitna sječa sveg određenog bilja u poluprečniku od najmanje 100 oko infestiranog bilja i pregled tog određenog bilja radi otkrivanja znakova infestacije;
 - 3) uklanjanje, pregled i sigurno odlaganje bilja posječenog u skladu sa tač. 1 i 2 ovog stava, uz preduzimanje svih potrebnih mjera opreza kako bi se spriječilo širenje štetnog organizma tokom i nakon sječe;
 - 4) uklanjanje, pregled i sigurno odlaganje drveta i drvenog materijala za pakovanje povezanog sa infestacijom, uz preduzimanje svih potrebnih mjera opreza kako bi se spriječilo širenje štetnog organizma tokom i nakon sječe;
 - 5) zabrana svakog premještanja potencijalno infestiranog bilja, drveta i drvenog materijala za pakovanje izvan obilježenog područja;
 - 6) istraga izvora infestacije praćenjem porijekla bilja, drveta, drvenog materijala za pakovanje i drugih objekata povezanih sa infestacijom, kao i njihov pregled radi otkrivanja znakova infestacije, uključujući ciljano uzorkovanje destrukcionom metodom;
 - 7) zamjena određenog bilja drugim biljnim vrstama koje nisu osjetljive, gdje je to odgovarajuće;
 - 8) zabrana sadnje novog određenog bilja na otvorenom na području iz tačke 2 ovog stava, osim za:
 - mjesta proizvodnje iz tačke 17.4. Liste Lista IV. A Dio II propisa kojim se uređuju liste štetnih organizama (*Priloga VIII Regulative (EU) 2019/2072*), i
 - kontrolno bilje;
 - 9) informisanje javnosti radi podizanja svijesti o prijetnji koju predstavlja štetni organizam i o mjerama donesenim za sprečavanje njegovog unošenja i širenja na teritoriju Crne Gore, uključujući uslove u pogledu premještanja određenog bilja, drveta i drvenog materijala za pakovanje iz obilježenog područja;
 - 10) posebne mjere za rješavanje iznenadnih situacija ili komplikacija za koje se opravdano smatra da mogu spriječiti, omesti ili odgoditi iskorjenjivanje, a posebno onih koje su povezane sa dostupnošću i odgovarajućim iskorjenjivanjem svog infestiranog bilja ili bilja za koje se sumnja da je infestirano, bez obzira na njegovu lokaciju, javno ili privatno vlasništvo kao i fizičko lice ili subjekt koji je za njega odgovoran;
 - 11) sve druge mjere koje mogu doprinijeti iskorjenjivanju štetnog organizma, u skladu sa Međunarodnim standardom za fitosanitarne mjere („ISPM“) br. 9 i primjeni sistemskog pristupa u skladu sa principima utvrđenim u Međunarodnom Standardu ISPM br. 14.
- (2) U slučaju iz stava 1 tačka 1 ovog člana, ako nije moguće ukloniti duboko ukorijenjene panjeve i površinsko korijenje, oni se melju na najmanje 40 cm ispod površine zemljišta ili se pokrivaju materijalom za zaštitu od insekata. Ako se zaraženo bilje otkrije izvan perioda leta štetnog organizma, sječa i uklanjanje sprovode se prije početka sljedećeg perioda leta.
- (3) Godišnji službeni posebni nadzori na području širine najmanje 1 km oko mjesta proizvodnje iz tačke proizvodnje iz tačke 17.4. Liste Lista IV. A Dio II propisa kojim se uređuju liste štetnih organizama (*Prilog VIII Regulative (EU) 2019/2072*), zasnivaju se na EFSA Opštim smjernicama za statistički pouzdane i na riziku zasnovane posebne nadzore štetnih organizama bilja, a plan nadzora i šema uzorkovanja koji se primjenjuju u sigurnosnom području treba da omogućiti da se sa najmanje 95 % pouzdanosti, utvrdi stepen prisustva zaraženog bilja od 1 %.
- (4) U slučaju premještanja određenog drveta i drvenog materijala za pakovanje van obilježenog područja i ako na obilježenom području nisu dostupni objekti za tretiranje ili preradu, određeno drvo ili drveni materijal za pakovanje pod službenom kontrolom i u zatvorenim uslovima se u najbliže objekte van obilježenog područja na način kojim se obezbjeđuje da se štetni organizam ne može širiti, kako bi se odmah izvršilo tretiranje ili prerada u skladu sa tač. od 33. do 35. Liste Lista IV. A Dio II propisa kojim se uređuju liste štetnih organizama (*Prilog VIII Regulative (EU) 2019/2072*).
- (5) Radi otkrivanja prisustva štetnog organizma Uprava u odgovarajuće vrijeme sprovodi godišnje posebne nadzore pregledima određenog bilja na području širine najmanje 1 km od tih objekata za tretiranje ili preradu.
- (6) Izuzetno od stava 1 tačka 2 ovog člana, ako Uprava zaključi da sječa nije odgovarajuća za ograničeni broj pojedinačnih biljaka zbog njihove posebne društvene, kulturne ili ekološke vrijednosti, to pojedinačno bilje podvrgava se mjesečnom pojedinačnom pregledu radi otkrivanja znakova infestacije i preduzimaju se mjere koje nisu sječa, a koje obezbjeđuju visok nivo zaštite kako bi se spriječilo moguće širenje štetnog organizma sa tih biljaka.

Fitosanitarne mjere za suzbijanje štetnog organizma

Član 10

- (1) Ako nije moguće iskorjeniti štetni organizam, Uprava preduzima sledeće fitosanitarne mjere za njegovo suzbijanje (*containment*).
- 1) sječa infestiranog bilja i bilja sa znacima infestacije štetnim organizmom i potpuno uklanjanje njihovog korijenja ako su pronađeni hodnici larvi ispod korijenovog vrata infestirane biljke;
 - 2) uklanjanje, pregled i odlaganje posječenog bilja u skladu sa tačkom 1 ovog stava i njegovog korijenja uz preduzimanje potrebnih mjera opreza radi sprečavanja širenja štetnog organizma nakon sječe;
 - 3) zabrana svakog premještanja potencijalno zaraženog bilja, drveta i drvenog materijala za pakovanje iz obilježenog područja;
 - 4) zamjena određenog bilja drugim biljem koje nije osjetljivo, gdje je odgovarajuće;
 - 5) zabrana sadnje novog određenog bilja u zaraženom području na otvorenom, osim za mjesta proizvodnje iz tačke 17.4. Liste Lista IV. A Dio II propisa kojim se uređuju liste štetnih organizama (*Priloga VIII Regulative (EU) 2019/2072*) i za kontrolno bilje;
 - 6) informisanje javnosti radi podizanja svijesti o prijetnji koju predstavlja štetni

organizam i o mjerama donesenim za sprečavanje njegovog unošenja i širenja na teritoriju Crne Gore, uključujući uslove u pogledu premještanja određenog bilja, drveća i drvenog materijala za pakovanje van obilježenog područja uspostavljenog u skladu sa članom 5 ovog člana;

7) posebne mjere za rješavanje svih iznenadnih situacija ili komplikacija za koje se opravdano smatra da mogu spriječiti, onesti ili odgoditi suzbijanje štetnog organizma (*containment*), a posebno onih koje su povezane sa dostupnošću i odgovarajućom sjećom i uništavanjem svog zaraženog bilja ili bilja za koje se sumnja da je zaraženo, bez obzira na njegovu lokaciju, vlasništvo i osobu koja je za njega odgovorna;

8) sve druge mjere koje mogu pomoći u suzbijanju štetnog organizma (*containment*), radi sprečavanja njegovog daljeg širenja.

(3) U slučaju iz stava 1 tačka 1 ovog člana, ako nije moguće ukloniti duboko ukorijenjene panjeve i površinsko korijenje, oni se melju na najmanje 40 cm ispod površine zemljišta ili se pokrivaju materijalom za zaštitu od insekata.

(4) Sječu treba započeti odmah, međutim, u slučajevima kad je zaraženo bilje otkriveno van perioda leta štetnog organizma, sječa i uklanjanje sprovode se prije početka novog perioda leta.

(5) U slučaju premještanja određenog drveća i drvenog materijala za pakovanje van obilježenog područja i ako na obilježenom području nisu dostupni objekti za tretiranje ili za preradu, određeno drvo ili drveni materijal za pakovanje pod službenom kontrolom i u zatvorenim uslovima premještaju se u najbliže objekte van obilježenog područja na način kojim se obezbjeđuje da se štetni organizam ne može širiti, kako bi se odmah sprovelo tretiranje ili prerada u skladu sa tač. od 33. do 35. Liste Lista IV. A Dio II propisa kojim se uređuju liste štetnih organizama (*Prilog VIII Regulative (EU) 2019/2072*).

(6) Radi otkrivanja prisustva štetnog organizma Uprava u odgovarajuće vrijeme sprovodi godišnje posebne nadzore pregledima određenog bilja na području širine najmanje 1 km od tih objekata za tretiranje ili preradu.

(7) Ako je prisustvo štetnog organizma službeno potvrđeno na sigurnosnom području, primjenjuju se fitosanitarne mjere iskorjenjivanja štetnog organizma i uspostavljanje obilježenog područja.

Izveštavanje

Član 11

(1) Uprava do 30. aprila svake godine Evropskoj komisiji dostavlja izvještaj koji sadrži:

1) preduzete mjere tokom prethodne godine u skladu sa ovim pravilnikom i na osnovu rezultata mjera iz čl. od 3 do 10 ovog pravilnika.

2) broj uzoraka uzetih u skladu sa članom 8 st. 2, 3 i 4 ovog pravilnika;

3) razloge za primjenu izuzeća iz člana 9 stav 4 ovog pravilnika i mjere preduzete povodom tog izuzeća.

Prilozi

Član 12

Prilozi 1 i 2 čine sastavni dio ovog pravilnika.

Odložena primjena

Član 13

Odredbe člana 3 stav 2, člana 5 stav 5 tačka 2 i člana 8 stav 4, primjenjivaće se od 1. januara 2027. godine.

Prestanak važenja

Član 14

Danom početka primjene ovog pravilnika prestaje da važi Pravilnik o fitosanitarnim mjerama za sprječavanje unošenja i širenja *Aromia bungii* (Faldermann)* („Službeni list CG”, broj 15/19).

Stupanje na snagu

Član 15

Ovaj pravilnik stupa na snagu osmog dana od dana objavljivanja u „Službenom listu Crne Gore“, a primjenjivaće se od 1. maja 2026. godine.

* U ovaj Pravilnik prenijeta je Implementirajuća Regulatorna Evropske Komisije (EU) 2025/2520 od 15. decembra 2025. o utvrđivanju mjera za sprečavanje odmaćivanja i širenja štetnog organizma *Aromia bungii* (Faldermann) na području Unije i o mjerama za iskorjenjivanje i suzbijanje tog štetnog organizma unutar određenih obilježenih područja i o stavljanju van snage Implementirajuće odluke (EU) 2018/1503

PRILOG 1

Dio 1: Lista obilježenih područja za suzbijanje štetnog organizma (*containment*) u Evropskoj uniji

1. Italija

Europhyt broj izbijanja odnosno iznenadne pojave (<i>outbreak</i>) štetnog organizma obilježenog područja (<i>Europhyt outbreak number of the demarcated area</i>)	Dio obilježenog područja (infestirano/sigurnosno)	Regija	Opštine ili administrativna/geografska razgraničenja druga
274/Campania	Zaraženo područje	Kampanija	Čitavo područje sljedećih opština: Afragola, Arzano, Bacoli, Brusciano, Calvizzano, Cardito, Casalnuovo di Napoli, Casavatore, Casoria, Castello di Cisterna, Cercola, Crispano, Frattamaggiore, Frattaminore, Grumo Nevano, Isola di Ischia, Marano, Mariglianella, Massa di Somma, Melito di Napoli, Monte di Procida, Mugnano di Napoli, Napoli, Ottaviano, Pollena Trocchia, Pomigliano D'Arco, Pozzuoli, Procida, San Giorgio a Cremano, San Giuseppe Vesuviano. Dijelovi sljedećih opština: Acerra, Angri, Aversa, Boscoreale, Boscorecase, Caivano, Castel Volturno, Cesa, Ercolano, Giugliano in Campania, Marigliano, Mondragone, Nola, Orta di Atella, Palma Campania, Poggiomarino, Pompei, Portici, Qualiano, Quarto, San Gennaro Vesuviano, San Marzano Sul Sarno.
	Sigurnosno područje	Kampanija	Čitavo područje sljedećih opština: Lusciano, Parete, Torre Annunziata. Dijelovi sljedećih opština: Acerra, Angri, Aversa, Boscoreale, Boscorecase, Caivano, Camposano, Cancelli ed Arnone, Carbonara di Nola, Carinaro, Casaluce, Casola di Napoli, Castellammare di Stabia, Castel Volturno, Cicciano, Cimitile, Corbara, Domicella, Ercolano, Gragnano, Gricignano di Aversa, Lettere, Liveri, Maddaloni, Marcianise, Marigliano, Mondragone, Nocera Inferiore, Nola, Orta di Atella, Pagani, Palma Campania, Poggiomarino, Pompei, Portici, Qualiano, Quarto, San Felice a Cancelli, San Gennaro Vesuviano, San Marcellino, San Marzano Sul Sarno, San Paolo Belsito, San Valentino Torio, San Vitaliano, Santa Maria la Carità, Sant'Antonio Abate, Sant'Arpino, Sant'Egidio del Monte Albino, Sarno, Saviano, Scafati, Scisciano, Striano, Succivo, Teverola, Torre del Greco, Trecase, Trentola Ducenta, Villa Literno, Villaricca.

2. Njemačka

Euromphyt broj izbijanja odnosno iznenadne pojave (outbreak) štetnog organizma obilježenog područja (Euromphyt outbreak number of the demarcated area)	Dio obilježenog područja (infestirano/sigurnosno)	Regija	Opštine ili druga administrativna/geografska razgraničenja
825/Rosenheim/Kolbermoor	Zaraženo područje	Južna Bavarska	Dijelovi gradova Kolbermoor i Rosenheim
	Sigurnosno područje	Južna Bavarska	Dijelovi gradova Bad Aibling, Kolbermoor i Rosenheim. Dijelovi opština Bad Feilnbach, Großkarolinenfeld, Neubeuern, Raubling Rohrdorf, Schechen i Stephanskirchen.

Dio 2: Lista obilježenih područja za suzbijanje štetnog organizma (containment) u Crnoj Gori

Broj/naziv obilježenog područja (OP)	Područje OP	Regija	Opštine ili druga administrativna/geografska razgraničenja
1.	/	/	/

PRILOG 2

Tabela za izvještavanje o rezultatima godišnjih posebnih nadzora u obilježenom području

DIO A

1. Tabela za izvještavanje o rezultatima godišnjih nadzora:

1. Opis obilježenog područja		2. Početna veličina obilježenog područja (ha)		3. Ažurirana veličina obilježenog područja (ha)		4. Pristup (iskorjenjivanje ili suzbijanje)		5. Zona		6. Mjesta nadzora		7. Rizična područja identifikovana		8. Rizična područja pregledana / kontrolisana		9. Biljni materijal/roba		10. Lista bilja domaćina		11. Vrijeme		12. Detalji nadzora				13. Broj analiziranih uzoraka sa simptomima:				14. Broj analiziranih asimptomatskih uzoraka:				15. Broj notifikacije broj o pojavama (izbijanjima) štetnog organizma, gdje je odgovarajuće, u skladu sa Implementacionom Regulativom (EU 2019/1715*		16. Komentari						
Naziv	Datum uspostavljanja									Opis	Broj											A	B	C	D	E	F	G	H	I	i)	ii)	iii)	iv)	i)	ii)	iii)	iv)	Broj	Datum		

* Notifikacioni broj o notifikovanim (prijavljenim) izbijanjima odnosno pojavama štetnog organizma, gdje je odgovarajuće, u skladu sa Implementirajućom Regulativom (EU) 2019/1715 primjenjivaće se kada ova Regulativa bude primjenjiva u Crnoj Gori, a najkasnije danom ulaska u EU

3. Ispunjavanje Tabele za izvještavanje o rezultatima godišnjih nadzora iz Dijela A tačka 1 ovog priloga vrši se u skladu sa sljedećim:

Ako se ispunjava ovaj tabela, ne ispunjava se tabela iz dijela B ovog Priloga.

Kolona 1:	Navesti naziv geografskog područja, broj rješenja o pojavi štetnog organizma ili bilo koja druga informacija koja može da identifikuje obilježeno područje i datum uspostavljanja.
Kolona 2:	Navesti veličinu obilježenog područja prije početka nadzora.
Kolona 3:	Navesti veličinu obilježenog područja poslije nadzora.
Kolona 4:	Navesti pristup: iskorjenjivanje ili suzbijanje. Koristiti koliko god je redova potrebno, u zavisnosti od broja obilježenih područja po štetnom organizmu i pristupima koji se primjenjuju na tim područjima.
Kolona 5:	Navesti zonu obilježenog područja gdje se sprovodi nadzor, koristeći koliko god je redova potrebno: zaraženo područje (IZ)- infected zone ili sigurnosno područje (BZ)-buffer zone, upotrebom posebnih redova. Gdje je primjenjivo, navedite područje sigurnosnog područja (BZ) gdje se nadzor sprovodi (npr. posljednjih 20 km uz IZ, okolo rasadnika, i sl.) u različitim redovima.
Kolona 6:	Navesti broj i opis mjesta nadzora, odabirom jednog od sljedećih unosa za opis: 1.Otvoreni prostor (proizvodno područje): 1.1. polje (orance/obrađivo, pašnjaci); 1.2. voćnjaci/vinogradi; 1.3. rasadnik; 1.4. šuma; 2.Otvoreni prostor (drugo): 2.1. privatne bašte; 2.2. javna mjesta; 2.3. zaštićena područja; 2.4. divlje bilje u područjima osim zaštićenih; 2.5. drugo, sa specifikacijom slučaja (npr. garden centri, komercijalna mjesta (sites) koja koriste drveni materijal za pakovanje, drvna industrija, močvare, navodnjavanje i mreže drenaže, i sl.); 3.Fizički zatvoreni uslovi: 3.1. staklenik/plastenik; 3.2. privatna mjesta, osim staklenika/plastenika; 3.3. javna mjesta, osim staklenika/plastenika; 3.4. drugo, sa specifikacijom određenog slučaja (npr. garden centri, komercijalna mjesta sites koja koriste drveni materijal za pakovanje, drvna industrija).
Kolona 7:	Navedite koje rizično područje je identifikovano na osnovu biologije štetnog organizma, prisustva biljaka domaćina, eko klimatskih uslova i rizika lokacije.
Kolona 8:	Navedite rizična područja uključena u nadzor, od onih navedenih u koloni 7.
Kolona 9:	Navedite bilje, plodove, sjeme, zemlju, drveni materijal za pakovanje, drvo, mašine, vozila, voda, drugo, navesti za svaki specifični slučaj.
Kolona 10:	Navedite listu biljnih vrsta/rodova u nadzoru, upotrebom jednog reda po biljnoj vrsti/rodu.
Kolona 11:	Navedite mjesec i godinu kada se nadzor sprovodi.
Kolona 12:	Navedite detalje nadzora, u zavisnosti od specifičnih zvanično propisanih zahtjeva za svaki štetni organizam. Navedite sa N/A kada informacije iz određene kolone nijesu primjenljive.
Kolone 13 i 14:	Navedite rezultate, ako je primjenljivo, obezbjeđujući pristupačne informacije u odgovarajuće kolone. "Nedeterminisane" su one analize uzoraka za koje rezultati nijesu dobijeni zbog raznih faktora (npr. ispod nivoa detekcije, neprocesuirani uzorci-neidentifikovani uzorci, stari uzorci).
Kolona 15:	Navedite broj notifikacije o pojavi/izbijanju štetnog organizma (outbreak) za godinu u kojoj je nadzor izvršen za nalaz u sigurnosnoj zoni BZ. Ovaj broj ne mora biti uključen kada Uprava odluči da je nalaz jedan od slučajeva: kada je poznato da se određeni štetni organizam pojavljuje na određenom području; kada je poznato da je određeni štetni organizam prisutan na određenom području; kada se utvrdi prisustvo karantinski štetnih organizama u zaraženom području obilježenog područja uspostavljenog u cilju suzbijanja štetnog organizma (containment); utvrdi prisustvo karantinskih štetnih organizama u zaraženom području obilježenog područja na koje se primjenjuju mjere iskorjenjivanja za koje je potrebno osam ili više godina, tokom tih prvih osam godina. U tom slučaju u koloni 16 se navode razlozi zbog kojih nije prosleđena notifikacija ("Komentari").

2. Ispunjavanje Tabele za izvještavanje o rezultatima statistički baziranog godišnjeg nadzora iz Dijela B tačka 1 ovog priloga vrši se u skladu sa sljedećim:

Ako se ispunjava ova tabela, ne ispunjava se tabela iz dijela A ovog Priloga.

Objasniti osnovne pretpostavke za plan nadzora po štetnom organizmu. Rezimirati i obrazložiti:

- ciljanu populaciju, epidemiološku jedinicu i jedinice pregleda (*inspection units*),
- metodu otkrivanja i osjetljivost metode,
- faktore rizika, navodeći nivo rizika i odgovarajuće relativne rizike i proporcionalni udio populacije bilja domaćina.

Kolona 1:	Navesti naziv geografskog područja, broj rješenja o pojavi štetnog organizma ili bilo koja druga informacija koja može da identifikuje obilježeno područje i datum uspostavljanja.
Kolona 2:	Navesti veličinu obilježenog područja prije početka nadzora.
Kolona 3:	Navesti veličinu obilježenog područja poslije nadzora.
Kolona 4:	Navesti pristup: Iskorjenjivanje ili suzbijanje štetnog organizma (containment). Koristiti koliko god je redova potrebno, u zavisnosti od broja obilježenih područja po štetnom organizmu i pristup tim područjima.
Kolona 5:	Navesti zonu obilježenog područja gdje se sprovodio nadzor, uključujući koliko god je redova potrebno: zaraženo područje (IZ) ili sigurnosno područje (BZ), upotrebom posebnih redova. Gdje je primjenjivo, navedite područje BZ gdje se nadzor sprovodio (npr. posljednjih 20 km uz IZ, oko rasadnika, i sl.) u različitim redovima.
Kolona 6:	Navesti broj i opis mjesta nadzora, izaberite jedan od sljedećih unosa za opis: 1. Otvoreni prostor (proizvodno područje): 1.1. polje (orance/obrađivo, pašnjaci); 1.2. voćnjaci/vinogradi; 1.3. rasadnik; 1.4. šuma; 2. Otvoreni prostor (drugo): 2.1. private bašte; 2.2. javna mjesta; 2.3. zaštićena područja; 2.4. divlje bilje u područjima osim zaštićenih; 2.5. drugo, sa specifikacijom pojedinačnog slučaja (npr. garden centri, komercijalna mjesta (sites) koja koriste drveni materijal za pakovanje, drvna industrija, močvare, mreža za navodnjavanje i drenažu i sl.); 3. Fizički zatvoreni uslovi: 3.1. staklenik/plastenik; 3.2. privatna mjesta, osim staklenika/plastenika; 3.3. javna mjesta, osim staklenika/plastenika; 3.4. drugo, sa specifikacijom određenog slučaja (npr. garden centri, komercijalna mjesta (sites) koja koriste drveni materijal za pakovanje, drvna industrija).
Kolona 7:	Navesti mjesec i godinu kada se nadzor sprovodio.
Kolona 8:	Navesti odabranu ciljanu populaciju i odgovarajuću listu vrsta/rodova domaćina i obuhvaćeno područje. Ciljana populacija definiše se kao skup jedinica za pregled (<i>inspection units</i>). Njena se veličina za poljoprivredna područja obično definiše u hektarima, ali može se definisati i u parcelama, poljima, staklenicima itd. Obrazložiti izbor u osnovnim pretpostavkama. Navesti nadzirane jedinice pregleda. „Jedinica pregleda” znači bilje, djelovi bilja, roba, drugi objekti i vektori štetnih organizama koji su pregledani radi identifikacije i otkrivanja štetnih organizama.
Kolona 9:	Navesti nadzirane epidemiološke jedinice, navodeći njihov opis i mjernu jedinicu. „Epidemiološka jedinica” je homogeno područje na kojem bi u slučaju prisustva štetnog organizma, interakcija štetnog organizma, biljaka domaćina, abiotičkih i biotičkih faktora i uslova, dovela do iste epidemiologije. Epidemiološke jedinice su potpodjele ciljane populacije koje su epidemiološki homogene i obuhvataju najmanje jednu biljku domaćina. U nekim se slučajevima cijela populacija domaćina u određenoj regiji/području/zemlji može definisati kao epidemiološka jedinica. To mogu biti regije statističke nomenklature teritorijalnih jedinica (NUTS), gradska područja, šume, vrtovi ruža, poljoprivredna gazdinstva ili hektari. Ovaj izbor se mora obrazložiti u osnovnim pretpostavkama.
Kolona 10:	Navesti metode upotrebene tokom nadzora, uključujući broj aktivnosti u svakom slučaju, u zavisnosti od posebnih zakonskih zahtjeva za svaki štetni organizam. Upisati „nije primjenjivo” (N/A) ako informacije za određenu kolonu nisu dostupne.
Kolona 11:	Navesti procjenu efikasnosti uzorkovanja. Efikasnosti uzorkovanja je vjerovatnoća odabiranja zaraženih djelova biljke na zaraženoj biljci. U slučaju vektora, efikasnost metode je hvatanje pozitivnog vektora ako je prisutan na području nadzora. Za zemljište, efikasnost metode je vjerovatnoća odabiranja uzorka zemljišta koje sadrži štetni organizam ako je štetni organizam prisutan na području nadzora.
Kolona 12:	„Osjetljivost metode” je vjerovatnoća da metoda ispravno otkrije prisustvo štetnog organizma. Osjetljivost metode definiše se kao vjerovatnoća da će rezultat testiranja stvarno pozitivne biljke domaćina biti pozitivan. To je proizvod efikasnosti uzorkovanja (tj. vjerovatnoće odabiranja zaraženih djelova biljke na zaraženoj biljci) i osjetljivosti dijagnostike (karakteriše ga vizuelni pregled i/ili laboratorijski test koji se upotrebljava u postupku identifikacije).
Kolona 13:	Navesti faktore rizika u različitim redovima, koristeći onoliko redova koliko je potrebno. Za svaki faktor rizika navesti nivo rizika i odgovarajući relativni rizik i udio populacije domaćina.
Kolona B:	Navesti detalje nadzora, u zavisnosti od specifičnih zakonskih uslova za svaki štetni organizam. Upisati „nije primjenjivo” (N/A) ako informacije za određenu kolonu nisu primjenjive. Informacije koje je potrebno navesti u ovim kolonama povezane su sa informacijama iz kolone 10. „Metode otkrivanja”.

Kolona 18:	Navesti broj mjesta postavljanja klopki ako se taj broj razlikuje od broja klopki (kolona 17.) (npr. ista se klopka upotrebljava na različitim mjestima).
Kolona 21:	Navesti broj uzoraka sa pozitivnim, negativnim ili neodređenim rezultatom. „Neodređeni” su oni analizirani uzorci za koje nije dobijen nikakav rezultat zbog različitih faktora (npr. rezultat ispod nivoa otkrivanja, neobrađen, neidentifikovan ili star uzorak itd).
Kolona 22:	Navesti notifikacije o izbijanju za godinu u kojoj je vršen nadzor. Broj notifikacija o izbijanju ne treba navesti ako je Uprava odlučila da obavještenje nije potrebno kada je poznato da se određeni štetni organizam pojavljuje na određenom području; kada je poznato da je određeni štetni organizam prisutan na određenom području; kada se utvrdi prisustvo karantinski štetnih organizama u zaraženom području obilježenog područja uspostavljenog u cilju suzbijanja štetnog organizma (containment); utvrdi prisustvo karantinskih štetnih organizama u zaraženom području obilježenog područja na koje se primjenjuju mjere iskorjenjivanja za koje je potrebno osam ili više godina, tokom tih prvih osam godina. U tom slučaju navesti razlog za ne navođenje broja notifikacije u koloni 25. („Napomene”).
Kolona 23:	Navesti osjetljivost istraživanja kako je definisano Međunarodnim standardom za fitosanitarne mjere (ISPM 31). Vrijednost postignutog nivoa povjerenja u pogled u statusa “slobodno od” štetnog organizma izračunava se na osnovu pregleda (i/ili uzetih uzoraka) s obzirom na osjetljivost metode i zadatu prevalencu.
Kolona 24:	Navesti zadanu prevalencu na osnovu procjene vjerovatne stvarne prevalence štetnog organizma na polju prije nadzora. Zadana prevalenca utvrđena je kao cilj nadzora i predstavlja kompromis koji osobe odgovorne za upravljanje rizikom prave između rizika prisustva štetnog organizma i resursa koji su dostupni za nadzor. Za nadzor za otkrivanje prisustva obično se postavlja vrijednost od 1 %.